



**ШАЛ АҚЫН
АУДАНЫНЫҢ
ПРОКУРАТУРАСЫ
ЕСКЕРТЕДІ!**

Қазақстанда банк картасын үшінші тұлғаларға бергені үшін қылмыстық жауапкершілік енгізілді"

Қылмыстық кодекстің 232-1-жаңа бабында өзінің банктік деректемелерін үшінші тұлғаларға бергені үшін, сондай-ақ материалдық сыйақы немесе мүлктік сипаттағы пайда үшін не оларды алу мақсатында үшінші тұлғаның мүддесі үшін немесе пайдасына төлемдер немесе ақша аударымдарын жүзеге асырғаны үшін қылмыстық жауаптылық енгізілді.

Алаяқтар берілген деректерді қылмыстық кірістерді қолма-қол ақшаға айналдыру немесе басқа азаматтарды алдау үшін пайдаланады. Көбінесе зардап шеккендер өздерінің қылмысқа қатысушы екенін түсінбейді. Есте сақтау маңызды: жеке және банктік деректер жай ғана ақпарат емес, бұл сіздің мүлкіңіздің, қауіпсіздігіңіздің және заң алдындағы жауапкершілігіңіздің кілті"

"Прокуратура ұсынады:

ешқашан банктік деректеріңізді үшінші тұлғаларға бермеңіз; картаңызды немесе шотыңызды аудару арқылы "оңай ақша табуға" келіспеңіз; кішкене күдік туындаған жағдайда банкке немесе Құқық қорғау органдарына хабарласу керек.

Естеріңізге сала кетейік, өзінің банктік шотына заңсыз қол жеткізгені үшін үш жылға дейінгі мерзімге бас бостандығынан айыру, ал үшінші тұлғаның пайдасына банктік шотты пайдалана отырып төлемдер мен ақша аударымдарын заңсыз жүзеге асырғаны үшін - бес жылға дейінгі мерзімге бас бостандығынан айыру көзделеді. Дропповодтар деп аталатындар жеті жылға дейін бас бостандығынан айыру түріндегі жазамен банктік шотты басқаруға заңсыз қол жеткізгені үшін тартылатын болады. Бұл ретте осы бапта көзделген қылмыстық құқық бұзушылықты алғаш рет жасаған, бұл туралы өз еркімен мәлімдеген, сондай-ақ осы құқық бұзушылықты ашуға немесе оның жолын кесуге белсенді ықпал еткен адам, егер оның әрекеттерінде өзге қылмыстық құқық бұзушылық құрамы болмаса, қылмыстық жауаптылықтан босатылады"